


Gadrouille : « mi tou, j'ai dix ans ! »

↳ din d'win
d'chop
proume
faulle au
baillon
à
Gadrouille.
Ch'p prout
grainne?
Porqu'at
point!

Evant d'echir dir l'mon-ne,
éj vivais dejo! Est à peine
creuyable, non? Et pi portaut...



Olo ti point qu'un quérfoullant des viuzènes dir in-ne
vieilla ormele éd no moéson à Borséville, j'ai tcheu, pèr
hasèr, édsu in-ne trulèe d'piot dessins, daï qu'j'insseyoais
d'trouvèr in-ne djife, in-ne bronngre à no Gadrouille.
Éz avoais ch'nom : à ch'momint lè, éch gouvernèment (ch'ètoait du
temps d'Giscard) il avoait lancè "l'cache au gaspi", pour foais éch
écon-omies d'pétrole. Mais s' djife? Emint qu'cal stocait, s'
djife. O munchè pèr un canèrb, grifon-nè pèr brèe touz à main
quanche éd chof feuille (dessin I). Dejo, ez apèrcheut un chabot à s'
patte. Et pi apreu, ch'piot lurot, qu'il est stampi din deux cha-
bots, i portè din s'main un écritèu avec sin nom: putènd, bel écritèu
i d'varo un machin comme o:  avec in-ne flèche au bout.

D'échl époque lè, no Gadrouille (II) i wardro étou à
boutinette.

Grand cangemint : putot qu'un canèrb, o cèsèrions
in-ne sorte éd diplodotchus, avec un gros nou, in-ne
grose berbale, pi in-ne longue tcheue d'crocodile. (III)




Éch Gadrouille définitif i naître
d'bu ch' "édito" d'échl limèro 1, in 1980. Es tcheu,
tout compte foait, al prend d'top d'plache : o l'ma-
she indous in-ne toffe
d'herbe, pi o l'implache
pèr in-ne tacheue d'diable. Ch'no tchot
bétail, achteuse, il o sin nom et pi dn'allure.



Éll'ono demini des chintaines éd corps.
Li étou, in-nhui, i churque à ses
10 ans. Boèn age, min copain. Boèn
age, no Gadrouille!

Jacques



Ch'Lanchron L° 39/40 (mai 1990)

